

Perorsaanermik Ilinniarfik Socialpædagogisk Seminarium



Ilinniarneq pillugu **quppersagaq** Najugaq qimannagu perorsaasunngorniarneq Kalaallit Nunaanni NQPI / DPU

August 2018



Imai

Siulequt.....	3
NQPI-mi perorsaasunngorniarluni ilinniartuuneq	5
Ilinniarnrup ingerlanera	6
Saqqummiivigineqarneq ilinniarnermilu teknikki	6
Semesterinut pilersaarutit atuakkanullu allattorsimaffiit	6
Eqimattani sulinermi aqutissiineq	6
Suliassat allannissaannut ilitsersorneqarneq.....	7
Suliassap siunertaa allaaserisassallu oqaasertalnera	7
Suliassap imai	8
Atuakkat allattorsimaffiat aamma - innersuussutit.	9
Suliassap annertussusia	9
Suliassap aaqqissugaaneranut ataatsimut najoqqutassiat	9
Oqaluttariarsorluni saqqummiinermut ilitsersorneqarneq.....	9
Misilitsinnerit allaaserineqarnerat.....	10
Misilitsilernerit nalaanni ilitsersorneqarneq	10
Semesterimi siullermi misilitsinneq unitsitsiffiusoq	10
Naliliinerit / semesterit 2-ta aamma 4-ta kingornatigut killiffiit.....	13
Itisiliineq	13
Kulturikkut pinngorartitsinermilu suliassaqaarfik	14
Inuiaqatigiilerineq isumaginninnermilu suliassaqaarfik	16
Perorsaanermik suliassaqaarfik	18
Immikkut suliassaq.....	19
Suliffimmi misiliinerup ingerlarnga	21
Ilinniarnep pillugu aqutissiineq	21
Suliatigut aqutissiuunneqarneq (ilinniartitsisut/ suliassaqaarfimmi aqutsisut)	22
Inuttut aqutissiuunneqarneq (nuna tamakkerlugu siunnersuisarfik/ ilinniarnermi aqutissiuisoq)	22
Nalinginnaasunut tunngasunik ilinniarnermi aqutissiuineq (ilinniartulerisut)	22
Qitiusumik ilinniarnermi aqutissiuisoq	22
Ilinniarnermi peqataasussaatitaaneq	22
Peqanngittarneq.....	23
Nalunaarsuineq	23
Iliuseqaarfigineqarneq kinguneqartitsinerlu	23
Ilinniarnermi sunniuteqaqataaneq	24

Siulequt

Asasakka ilinniartut

Perorsaanermik Ilinniartfimmi najugaq qimannagu perorsaasunngorniarluni ilinniarnermut qamanna pisumik tikilluaqqungaarpassi.

PI/SPS inuussutissarsiutinut ilinniartuivoq, ilinniartunik perorsaanerup iluani sulisussanik ilinniartuivoq. Nuna tamakkerlugu ilinniartuivugut ulluunerani meeqqanik sullissinnermi ikiortinngorniarnerup, isumaginninnermi ikiortitut ilinniarnep socialassistentitullu ilinniarnep saniatigut ilinniartitaanernik ingerlaqqiffiusunik, soorlu assersuutigalugu najugaq qimannagu perorsaasunngorniarnermik aamma perorsaasutut sammivilimmik bacheloritut ilinniarnermik ingerlatsiffiusoq. Taassuma saniatigut perorsaanermik suliassaqaarfiup iluani pisariaqartitsineq naapertorlugu allagartartallimmik ilinniartitaanerit neqeroorutigisarpagut, soorlu aamma nuna tamakkerlugu perorsaanermik suliassaqaarfiup iluani pikkorissartitsinnermik/piginnaannorsaqaqiinnermik neqerooruteqartartugut. Najugaq qimannagu perorsaasunngorniarluni ilinniarnep perorsaanikkut suliniutinut ilaatillugu kommuni najugaqarfigisat suleqatigalugu pilersinneqarsimavoq, taamaattumik PI/SPS-ip qullersaqarfiani Ilulissamiittumi inissisimanani najugaq qimannagu ingerlanneqartussanngorlugu inissinneqarsimavoq.

Quppersagaq una Ilinniarnep aqqissugaaneranut ilassutaavoq. Uani semesterinut pilersaarutit, atuakkat allattorsimaffii ilinniarnermilu suliassat imarisaat pillugit nalinginnaasumik aqutissiuinerit, suliassanik allanneq, misilitsinnissamat ingerlatsinerit il.il. pillugit itisilerlugit paasisutissartaqarnerusumillu allaaserineqarput.

Najugaq qimannagu perorsaasunngorniarluni ilinniarnep ilinniartut misilittakkaminnik ilinniartitsinnermi tunniussaqaaraangata nuannaarutigingaartarparput, aamma neriuutigaarput naatsorsuutigalugulu perorsaanerup iluani inuussutissarsiuteqarninnit misilittakkanik kiisalu ilinniarnepit nalaani atorfeqartitaanerit aqutigalugu sulinerit attuumassuteqarninnit tunniussaqaqartarumaartutit.

PI/SPS ilinniartitsisuilu ilinniarninni sinaakkutit pilersissavaat, maanngaanniilli pissarsiasavit ilarujussui illit nammeneq pimoorussinikkut ilinniarnepullu nalaani ataatsimoornermit pilersitseqataaffigisakkut pissarsiasussaavatit.

Ilinniarninni ukiuni pingasuusuni, ilinniarnep taamatut sivilissuseqarmat, ingerlalluarnissannik kissaappatsigit. Atuagarsornermi tunngaviusut assigiinngitsut, perorsaanepi sammiviit saqqummiutissavagut aamma atuagarsornermi tunngaviit sulinerit atassusernissaannut periarfissaanissaa isumagissavarput. Illit nammeneq pimoorussinerit pissarsiaqarnissannut aalajangiisuvoq. Illit nammeneq ilinniarninnut akissussaassuseqarnissat naatsorsuutigaarput, ataatsimoornermi peqataasassasutit ilinniarnepilu avatangiisit pitsaasuunissaannut taperseeqataannissat ilanngullugu.

Nuannisarluarisi.

Inuulluaqqusillunga

Marianne Nissen

Ilinniarnermut aamma pisortap tullia

NQPI-mi perorsaasunngorniarluni ilinniartuuneq

NQPI/DPU-mi ilinniartutut suliatigut inuttullu ineriartornissamut periarfissaqarputit. Avatangiisini ilikkariartornissamut pinngorartitsiffiusumilu periarfissagissaarfiusuni atuagarsornermit sulinermillu ilisimasassanik pissarsiassaqluni, ilinniarnerrullu nalaani ilinniaqassat annertuumik sunniuteqarfigisinnaallugit, suullu sammerusutatit itisiliiffigerusutatillu toqqarsinnaallugit.

Perorsaasup suliassai assigiinngitsorpassuupput. Piffissaq inuuffigisarput allanngorarfiusoq naleqqussallaqqissusermik iliuuseqarsinnaassusermillu piumasaqarfiulluni. Perorsaanermik suliassaqaarfik sukkalluinnartumik ineriartorfiuvoq, taamaattumik perorsaanermik sulinermit nutaanik nalusatsinnillu naapitaqarnissamut perorsaasup ilisimasatigut, sulisinnaassusikkut inuttullu piginnaasatigut ineriartornissamut piumasaqarfiulluni.

Perorsaasutut suliarterninni illit nammineq inuttut sulinarfigisannut assigiinngitsunut susassareqatigisannut sakkutut atortussaavutit. Tamanna inuiaqatigiinni pisunik paasisutissatigut malinnaanissamut pisussaaffiliivoq, perorsaasutullu suliffiusuni assigiinngitsuni sulinarfigisavit ineriartornissamut periarfissaannik alapernaatsuunissaq piumasaqarfiulluni.

Ilinniarnerrup ingerlarnge tamaat ilikkariartornerit isiginiarneqassaaq. Ilinniartitseriaatsit assigiinngisitaarput, ilikkariartorneq assigiinngitsutigut pisarmat. Tamatta ilikkarniarnitsinni assigiinngitsunik aallerfeqartarpugut, pisunillu nutaanik nalaataqarneq misigiumaarpat, ilinniartitsinermit sungiusarnermilu nutaanik misilinnikuunngisannik saqqummiivigineqarumaaravit. Peqataaneq pingaaruteqarpoq, ilikkariartornerillu taamaallaat peqataanikkut pisinnaavoq, ilaatigut ilinniartitsisut saqqummiussaannik alapernaannikkut, nammineq perorsaasutut sulininnit misilittakkanik saqqummiinikkut kiisalu imarisaanik, atuakkanik sulinermilu sungiusaatinik eqqarsaatiginninnikkut. Ilinniartitsinermit piareersarsimallutit takkuttarnissat naatsorsuutigaarput ilinniarnermilu peqataalluartaunissat, ilinniaqativillu ingerlalluarnerrannut akisussaaqataaniukkut.

Piffissap ingerlanerani atuagarsornermit saqqummiunneqartartut perorsaasutut sulinermit tunngaannngitsut misilittagaqarfigaarput, aammali ilinnut inuttut ilaqutariinni peroriartorfiit tunuliaqutarisannut, paaqqinnittarfimmut suliffigisannut il.il. tunngassuteqarsinnaasut. Imaassinnaavoq inuuninni aqqusaarsimasatit pissutigalugit inuttut eqqorneqartutit. Inuttut imminut suliarinissat kajumissaarutigissavarput, peqatigisaanilli ilinniarnerrup ingerlanerani perorsaasutut sulineq sulinarfigisallu assigiinngitsut ilinniarninni sungiusarnerat attatiinnaqqullugit.

Inuttut ajornartorsiutit suliarinerannut tapersorneqarnissaq ajornanngilaq ilaatigut najukkami nuna tamakkerlugu siunnersuisarfimmut imaluunniit kommunimut saaffiginninnikkut, taakku inuttut unamminiagassat qaangernissaannut ikiorsinnaassavaatsit. Pinerlineqarsimanerit soorlu assersuutigalugu kinguaassiuutitigut atornerlunneqarneq, nakuuserfigineqarneq imaluunniit assigisaat ilinniarnermi sammisatut qaqilerneqartarput, nutaanik paasisaqaarfiusinnaasut aamma perorsaasutut ulluunerani imaluunniit ulloq unnuarlu paaqqinnittarfinni sulinarfigisanut tunngatillugu naapinneqarsinnaasut. Sammisat oqimaatsuupput perorsaasunngorniarluni ilinniarnermi nalinginnaasutut ilaasut, perorsaanermilu sulisutut suliarisinnaasariaqartut. Imigassamik ikiaroorartumillu allanilluunniit atornerluinerit sumiginnaanermut attuumassuteqartut aamma sammisanut ilaapput. Inuttut atornerluisuuneq arlaatigut sunniutillit ilinniarnermut naapertuutinnigillat, taamaattumik katsorsartinnissaq inassutigissavarput.

Ilinniarnepup nalaani nammineq misilittakkavit ilaatinneqarnissaannut periarfissaqarluarpoq aamma inuttut perorsaasutullu sulilernissamut ineriartornissamut periarfissaqarluarluni.

Ilinniarnepup ingerlanera

Ilinniarnepup tamakkerlugu ilinniartitsineq imaalillugu aqqissuunneqarsimavoq ilikkagassatut anguniagaasunut naatsorsuutinullu tunngatillugu ilinniartutut perorsaasutullu piginnaasat siuariartortuarninneqassallutik. Ilinniartitseriaatsit assigiinngitsut paarlakaanneqassapput, takuuk ilinniarnepup aqqissugaanerani immikkoortoq 7. Ilinniartitsineq aqqissuutissavaat ilinniartut isumasioqatiginerisigut, taamaalillutik suliatigut ilisimasat perorsaasutullu piginnaasat ilikkagassallu qulakkeerneqassallutik, takuuk ilinniarnepup aqqissugaanerani faginut assigiinngitsuni anguniagassatut allaaserisat.

Ilinniarnepup aallarnisaataasumik aallartissaaq, tassani ilinniarnepup teknikkut sakkussatut saqqummiunneqassapput, ilaatigut ilinniarnepup piffissamik atuinnissamut pingaarnersiuneq, atuakkanik atuarnepup, allattuariaaseq, eqimattani ilinniaqatigieriaatsit, paaqqinnittarfinni il.il. perorsaarnepup sulinermut ataneq suleqateqarnerlu....

Saqqummiivigineqarneq ilinniarnepup teknikki

NQPI/ DPU-mi ilinniaqatit, ilinniartitsineq ilisaritinneqassapput, ilinniarnepup saqqummiivigineqarlutit, ilinniartutut ilinnut naatsorsuutit ilinniartutullu ilikkariartornissamut aamma ilikkariartornissamut siunnersuutit pitsaasut ilanngullugit. Inersimasut meeqqatulli ilikkariartornissartik sungiusimannngilaat, aamma inersimasumut ilinniarnepup ilaqarpoq ilikkarsimasanik atorunnaarsitsinissamik isumalimmik imaluunniit sukumiinerusumik misissuinerupup paasiniaanerupup, maluginialerlugit ilisimalerlugillu sooq iliuusigut iliuuserisarnepup. Piffissammi ingerlanerani puigortarparput, taamaattuaannarnikuusorisat ilumut taamaattuaannassanepup. Perorsaarnepup ilinniasimasutut nassuiarsinnaasariaqarpat sooq iliuuserisartakkatit iliuuserisarnepup suliatigullu tunngavilersinnaasariaqarlugit.

NQPI/ DPU-mi ilinniarnepup teknikkut assigiinngitsut ilinnut saqqummiunneqassapput, ilaatigut allagassianik, atuakkanik atuariaaseq paasinnittarnerlu, allattuineq, mind-mapiliorneq, suliat pillugit oqallinneq, alapernaanneq, apersorneq, siunnerfilimmik uterfiginninneq, eqimattani sulineq, paasissutissanik/misilittakkanik tunngavilinnik katersineq il.il...

Semesterinut pilersaarutit atuakkanullu allattorsimaffiit

Ilinniarnepup aqqissugaanera innersuussutigalugu semesterip aallartinnerani suliasaqarfinnut assigiinngitsunut ilinniartitsinerupup pilersaarut atuakkallu pinngitsooratik atuarnepup/inassutigineqartut allattorsimaffiat pissavatit. Semesterip ingerlanerani allannuuteqartoqarsinnaanera maluginiassavat. Ilinniartitsineq ingerlaavartumik paasissutissisassapput.

Eqimattani sulinerupup aqutissiuineq

Allanik susassareqateqarnisigut imminut immitsinnullu ilikkarnerusarpugut, perorsaasutullu allanik suleqateqartartussaallutit, taamaattumik ilinniarnepup ingerlanerani eqimattani sulisarnissaq naatsorsuutigineqassaaq. Isit amerlanerit takusaqarnerusarpup, taamaattumik suliatigut sammisat

eqimattani sulinikkut paasisaqarfiginarnerusarput sammiviillu amerlanerit saqqummiunneqartarlutik. Eqimattani nammineq toqqakkani sulinissamut periarfissaqassaaq, soorlu aamma ilinniartitsisut eqimattanik pinngitsoorani peqataaffigisassanik pilersitsisassasut, suliasat tassunga pituttorsimasut suliarineqartassapput. Eqimattani sulineq aqputigalugu tunngavilersueriaatsit, allat paasinninnerannik alapernaannerit sungiusassavat. Ilinniarnerup ingerlanerani siunnersorneqassaatit ataatsimoortuni qanoq suliasanik suliarinninnissamik, ilimasuutit naaperiartinnissaannik pisussaaffilertoqartarnersoq, qanoq malitseqartitsisoqassanersoq, isumaqatiginngissutit/ akerleriinnerit suliarineqassanersut il.il...

Suliasat allannissaannut ilitsersorneqarneq

Ilinniarnerup ingerlanerani allattariarsornikkut suliasanik assigiinngitsunik tunineqartassaatit ilinniartitsinermut, misilitsinnernut atasunik. Semesterimi siullermi inaarutaasumik allaaserisaqarsinnaanissat naatsorsuutiginnigilarput, taamaattumik ilinniarnerup ingerlanerani allattariarsornikkut suliasat annertussutsimikkut imamikkullu annertusiartussapput suliasanillu allanneq sungiusarneqassalluni.

Suliasap siunertaa allaaserisassallu oqaasertalerner

Suliasamik allannermi siunertaavoq ilinniartup eqimattalluunniit qulequtaq/sammisamut ersarissaaneq toqqarsimasartik suliatigut oqallisigineqassasoq – isummanik avitseqatigiiffiussasoq.

Suliasaq tassaavoq sammisap sammisaqarfilluunniit eqikkarlugu naatsumik takussutissiaq, ilinniarnermi faginilu pineqartuni sammisat suliallu aallaavigalugit ajornartorsiummik ataatsimik arlallinnilluunniit oqaasertalimmik ilisarnaatilik.

Sammissap ersarissarnera naatsumik allaaserineqassaaq. Sammissap ersarissarnera tassaasinnaavoq perorsaanermik sulinermit pisimasoq. Sammissap ersarissarnera itisiliinissamut aqutsisuuvoq. Taanna tassaakkajuppoq ajornartorsiut aallaavigalugu apeqqut ataaseq arlallilluunniit ilinniartup sunik misissuerusunneranik ersersitsisoq.

Sammissap ersarissarnera pitsaasoq:

- ataasiinnarmik ersarissumik pingaarnermik apeqquteqarpoq immaqalu ilassutinik apeqquteqarsinnaalluni.
- fagimut attuumassuteqarpoq.
- ilinnut soqutiginarpoq.
- naatsuusaaq, eqqoqqissaartoq annerpaamik titarnerit 10.
- isumaliuutiginninnermik tunngaveqarsinnaavoq: ”Soormi taavaana..”.
- imminut assortortumik tunngaveqarsinnaavoq: ”amerlanerit isumaqarput...piviusumilli..”.
- apeqqutigikkajunneqarpoq ”qanoq” imaluunniit “Soormitaavaana” unaannaanngitsoq ”suna”.
- apeqqutit nutaat aalassassutaasinnaasut apeqqutigineqarsinnaapput.
- isumaqataanermik akerliunermillu tunngavilersuinissamut periarfissiivoq.
- inerniliinissamut periarfissiivoq.

Immikkoortuni pingaarnerni suliatigut ilisimasat immaqalu sulinermit misilittakkat ilaatinneratigut itisiliineq pissaaq. Itisiliinikkut sammissap ersarissarnera akineqassaaq qulaarneqarluni.

Suliassaq misilitsinnermi saqqummiinissamut oqaloqatigiinnissamullu aallaaviussaaq. Saamisap ersarissarneranut atatillugu oqaloqatigiinneruvoq, itisiliineq, isornartorsiuineq, sammisap sammilluarnera, eqikkaaneq iliuusissatullu siunnersuuteqarnerup tunngavigissavaa sammisap ersarissarnera.

Suliassap imai

Suliassap ilaa immikkoortuulu makku suliassamut sinaakkusiipput:

- Saqqaani ilinniartup suliassamut qulequtsiussaa, ateq, ilinniaqatigiit ukioq aallartiffiat, aqputissiuisoq ullorlu tunniusiffik.
- Imaasa allattorsimaffii
- Aallaqqaasiut.
- Sammisap ersarissarnera, tunngavilersornera killilerneralu.
- Sammisami immikkoortut pingaarnerit itisilerneqarnerat.
- Fagini anguniagassanut/piumasaqaatinut sammisamut ersarissarneqarnerata tunngatillugu atuagarsornikkut periaatsitigullu isumaliutiginnineq.
- Sammisap ersarissarnera faginilu anguniagaasunut piumasaqaatinullu atatillugu iliuusissatut siunnersuut tunngavilersugaq ataaseq arlaqartulluunniit.
- Inerniliineq.
- Sammiviliineq.
- Atuakkat allattorsimaffiat.
- Immaqalu ilanngussat.

Qulequtaq sammisallu tunngavilersorneqarnera fagit misilitsiffiusussallu iluannut killilerlugu toqqarneqassaaq, killilernerani innuttaasut sulinarfigisanut, ukiuinut, ajornartorsiutip pissusianut il.il. tunngavoq. Allaaserisap oqaasertalerneru suliarineqassaaq apeqqutinik aamma/imaluunniit ilimasuutinik suliap sinneranut aqutsisussaq suliarineqassaaq. Taanna ullormi, nalunaaquttami aalajangeriigaasumi akuerisassanngorlugu tunniunneqassaaq, suliaralugu nangeqqinnginnerani.

Aallaqqaasiummi oqaluttuarineqassaaq sooq ilinniartup qulequtaq sammisallu tunngavilersorneqarnera sulinarfigisanut tunngatillugu taannaqqissaaq toqqarsimaneraa, tarnip pissusaatigut atuagarsorneq, perorsaannermi atuagarsorneq, inuleriffik, perorsaasup inissisimaffia, isumaginninnermi politikkip ineriartornera, inuiaqatigiit/kulturi ataatsimut.

Killilernerani oqaluttuarineqassaaq ilinniartup/eqimattap sammisap imaluunniit ajornartorsiut qanoq misissorniarlugu eqqarsaatigineraa. Qanoq ittoq siuariartortumik suleriaasissatut toqqarneqarsimanersoq, killilerneru, periaatsinik toqqaaneq suliassamillu suliarinnineq.

Itisiliineq atuagarsornermilu isumaliutit paasissutissanut katersorneqartunut tunngatillugu assigiinnngissutaat assigiissutaallu sanillersuunneqassapput. Paasissutissat isumatusaartumik apeqqusersorneqassapput, tarnip pissusiinut perorsaannermut allallu atuagarsuutaasimasut tunngavineqarsinnaallutik, apersuinerit il.il. Paasissutissanik paasisaqarneq tunngavigalugu eqimattat sammisamut tunngatillugu isummaminnik isiginnittaatsiminnillu suliaqassapput, ilinniartut/eqimattap suliatigut perorsaasussanngortussatullu inissisimaffini aallaavigalugu tunngavilersuissaaq.

Sammasmut toqqarneqarsimasumut tunngatillugu inerniliisoqassaaq, ajornartorsiutit suut paasiniaavigineqarsimanersut aamma perorsaanermik tunngavilersukkamik iliuusissatut siunnersuuteqarneq allaaserineqassallutik. Sammiviliinermi apeqqutit allat suliamit aallaaveqartut qaqilerneqarsinnaapput.

Eqimattani suliaqarnermi imaasa allattorsimaffianni immikkoortut ataasiakkaat kimit suliarineqarsimanersut takuneqarsinnaassapput, taamaalillutik assigiiaakannersumik agguataarisooqarsimassalluni. Suliap ilaa ataatsimut suliarineqarsinnaavoq; nalinginnaasumik 25 % aallaqqaasiut, sammisap tunngavilersorneqarnera ersarissarneqarnera aamma killilerneru kiisalu sammivilerneru inerniliinerlu naligalugit.

Atuakkat allattorsimaffiat aamma - innersuussutit.

Suliassap suliarinerani atuakkanut atorneqartunut innersuussinissaq pingaaruteqarpoq. Atuakkat allattorsimaffiat atuakkanullu innersuussutit suliarineqartarput atuartussa eqqarsaatigalugu, taassuma ajornanngitsumik suliassap suliarineqarnerani atorneqarsimasut nassaarisinnaasariaqarpai. Atuakkanut innersuussinerit tassaapput atuakkanut paasissutissanik aallerfigineqarsimasunut innersuussinerit.

Allattariarsorluni suliassani tamani najoqqutassianut innersuussisarnermi assigiissaarineq APA nunani tamalaani atorneqarpoq, aamma taanna aqutigalugu suliassanik allannermut ilitsersuisoqartarpoq ilikkariartortoqqartarlunilu.

Suliassap annertussusia

Suliassat annertussusiat assigiinngisitaarsinnaavoq apeqqutaalluni sumut tunngasuunersut, suliassat misilitsinnernut ilaanersut. Suliassat quppernilersoqqunerannut killissaliussat maluginiartakkat. Saqqaa, imaasa allattorsimaffiat, atuakkat allattorsimaffiat ilanngussallu quppernilersornerannut/naqinnerit amerlassusissaannut ilanngillat.

Suliassap aaqqissugaaneranut ataatsimut najoqqutassiat

Naqinnerit: Times New Roman

Naqinnerit angissusissaat: 12

Titarnerit akuttussusissaat: 1,5

Saamimmut killigititaasoq: 2 cm.

Talerpimmut killigititaasoq: 2 cm.

Naqinnerit amerlassusissaat: quppernermut naqinnerit 2400 missaat akunnilersuineq ilanngullugu

Oqaluttariarsorluni saqqummiinermut ilitsersorneqarneq

Ilinniarnep nalaani assigiinngitsunik suliakkerneqartassaatit, holdimut oqaluttuarsinnaasassallutit kiisalu kisimiillutit imaluunniit allanik peqateqarlutit saqqummiussassanik suliaqartassallutit, taamaalillutit oqaluttariarsorluni saqqummiineq sungiusassavat. Perorsaasutut ilinniarnep naammassigukku sammisanik suliamut tunngasunik saqqummiisinnaaneq pingaaruteqarpoq, iliuusissatut periarfissanik nassuiaassineq suliamullu toqqakkanut tunngasunik tunngavilersuineq, taamaattumik ilinniarnep ingerlanera tamakkerlugu taamatut sungiusartoqartarpoq. Oqaluttariarsorluni saqqummiinermi timip oqariartuutai aamma pingaaruteqarput, uterfiginninnermilu oqaatigeqqissaarniakkat kisimik pineqanngillat aammali qanoq oqaatigineqarnerat pingaaruteqarluni.

Misilitsinnerit allaaserineqarnerat

Misilitsinnerit assigiinningsut ataani allattorsimapput imaanut ingerlanneqarnerannullu tunngatillugu sukumiinerusumik allaaserineqarsimallutik. Aalajangersakkat amerlanerusut Ilinniarnep aaqqissugaanerani immikkoortumi ”misilitsinnernut aalajangersakkat”-ni aamma takuneqarsinnaapput.

Misilitsilernerit nalaanni ilitsersorneqarneq

Misilitsilernerit tamani ilinniartitsisumit ataatsimit amerlanerusunilluunniit siunnersorneqarnissamik neqeroorfigineqassatit. Taakku ilinnut atugassiissutaapput PI/SPS-illu kaammattussavaatit periarfissat taakku atoqqullugit. Ilitsersuisoq saninniissaaq kissaatitit pisariaqartitatillu aallaavigalugit siulersussallutit sapinngisamik pitsaanerpaamik.

Misilitsinnernut misilitsinnissamullu ingerlattanut tamanut atuuttoq tassaavoq ilitsersuisup inissisimaffimmini:

- Ilinniartup siunertaq aallaavigalugu sulinissaa qulakkiissallugu
- Sammisamut toqqarneqartumut sammisap ersarissarnera imaluunniit anguniagassap oqaasertalernissaanut siunnersuissalluni.
- Ilinniartut suliasap ilusilersorneranut atatillugu teknikkikkut periaatsitigut ilitsersussallugit, matumani suleriaatsikkut, piffissalersuinikkut, eqimattami suliasanik agguataarineq ilanngullugit.
- Suliat ingerlasarnerinut tunngasumik ilitsersuineq, eqimattami suleqatigiinnermik ineriartortitsisumik eqimattallu sulineranik pitsanngortitsisumik.
- Atuakkanik atorineqarsinnaasunik paasiniaaqataaneq.
- Ilinniartut allattariarsorluni saqqummiussassamik tunniussereernerisigut ilitsersuinermi amerlanerusunik sammivileeqataasinnaaneq.
- Ilinniartut ilitsersorneqarnermikkut eqqarsaatiginninnissaat qulakkiissallugu.

Ilitsersuisup suliasamut ilisimasai ilaannakortuussapput, allatallu oqaasiliornernik imaanullu tunngasunik peqataassanani.

Semesterimi siullermi misilitsinneq unitsitsiffiusoq

Ilinniartuq allattariarsornermik suliasamik tunniussissaaq sammisamik saqqummiussissalluni minnerpaamik suliasaqarfiit 2 aallaavigineqassallutik. Semesterimi siullermi ilinniartitsinermit atuagarsornikkut ilisimasat pigineqalersimasut ilinniartup perorsaanermik sulinermit misilittagaanut atassuserneqassapput.

Ataasiakkaatut misilitsinneruvoq sapaatit akunnerisalu 2½-ini ingerlanneqassalluni.

Pingasunngornermiit tallimannornermut sapaatit akunnerisa siullianni ilinniartuq allaaserisassamut oqaasertaliussaaq, taanna ilinniartup inuleriffimmi sulineranik ajornartorsiummik samminnittuussaaq.

Sammisap tunngavilersornerani pineqarsinnaavoq inuleriffimmi ulluinnarni sulinermit pisut. Sammisami tunngavilersuinermi assersuutigalugu pineqarput:

- Perorsaatut meeqqanut sumiginnakkanut tunngatillugu inissisimaffiat suua?

- Perorsaasutut meeqqat inersimasullu, meeqqat, angajoqqaat sulisullu suleqatigiillu akornanni suleqatigiinneq qanoq nukittorsarneqarsinnaava?

Allaaserisap oqaasertalerneqarneranut siunnersuisoqassaaq. Allaaserisap oqaasertalerneqarnera ilitsersuisumit kingusinnerpaamik sapaatit akunnerani tassani tallimanngornermi nal. 12:00 akuerineqassaaq.

Allaaserisap oqaasertassaata suliarineqarneranut atatillugu siunnersuineq ilinniartumut ataatsimut annerpaamik ½ tiimiuvog.

Ilinniartup sapaatit akunnerata naanera sapaatit akunneratalu tulliani sisamanngornerup tungaanut suliassaq suliaralugu allasavaa. Suliassap imarissavai perorsaanermi sammisami tunngavilersuutitut, minnerpaamik faginat ilinniartup ilinniartinneqarfigisaanut marlunnet attuumassuteqartumik.

Suliassap aammattaaq iliuusissatut siunnersuummik imaqassaaq, tassa imaappog, assersuummik ajornartorsiutip qanoq aqqinniarnera allaaseralugu. Inerniliineq allaaserisap oqaasertalerneqarneranut attuumassuteqassaaq.

Piffissami tassani ilinniartumut ataatsimut annerpaamik akunnernik marlunnik siunnersuisoqarsinnaavog.

Suliassaq kingusinnerpaamik sapaatit akunnerata tulliani sisamanngornermi nal. 12:00 tunniunneqassaaq.

Sisamanngorneq tallimanngornerlu (+ immaqalu sapaatit akunnerata naanera) atorlugit ilinniartoq ilinniartoqatiminut sapaatit akunnerisa pingajuanni saqqummiinissaminut piareersassaaq.

Modulip ingerlarnaga skemanngorlugu:

Sapaatit akunnerisa siulliat

Ataasinngorneq	Marlunngorneq	Ullut 1 pingasunngorneq	Ullut 2 sisamanngorneq	Ullut 3 tallimanngorneq	Ullut 4 arfininngorneq	Ullut 5 sapaat
Fagimi ilinniartitsineq	Fagimi ilinniartitsineq	Allaaserisassap oqaasertassaata suliarinera	Allaaserisassap oqaasertassaata suliarinera	Allaaserisap oqaasertaanik tunniussineq kingusinnerpaamik nal. 12	Suliassamik allanneq	Suliassamik allanneq

Sapaatit ak. 2.

Ullut 6 ataasinngorneq	Ullut 7 marlunngorneq	Ullut 8 pingasunngorneq	Ullut 9 sisamanngorneq	Ullut 10 tallimanngorneq	Ullut 11 arfininngorneq	Ullut 12 sapaat
Suliassamik allanneq	Suliassamik allanneq	Suliassamik allanneq	Nal. 12. suliassamik tunniussineq saqqummiinissamut piareersarneq	Saqqummiinissamut piareersarneq	Saqqummiinissamut piareersarneq	Saqqummiinissamut piareersarneq

Sapaatit ak. 3.

Ullut 13 ataasinngorneq	Ullut 14 marlunngorneq	Ullut 15 pingasunngorneq	Ullut 16 sisamanngorneq	Ullut 17 tallimannngorneq
misilitsinneq	misilitsinneq	misilitsinneq	misilitsinneq	misilitsinneq + im. nalilersuineq

Suliassaq 4-nik – 6-nik qupperneqassaaq minnerpaamillu imarissallugit:

Allaaserisap oqaasertaa: Apeqquut sukumiinerusumik misissorusutaq.

Sammissap tunngavilersornera: sammissap naatsumik allaaserinera, ajornartorsiutip
allaaserineqarnera.

Killilernerera: meeqqat qassinik ukiullit? Suliassaqarfiup allaaseriniakkap killilernerera.
Assersuutigalugu: Sammissaq suliariniakkat Kalaallit Nunaanni tamarmut
tunngava imaluunniit illit illoqarfigisannut taamaallaat tunngava?

Atuagarsorneq periaatsinillu toqqaaneq: Allaaserisamut atuagarsorneq periaatsillu suut
atassusersinnaavigit?

Iliusissatut siunnersuutit: Ajornartorsiutip allaaserisavit qanoq aaqqinniarnernut assersuutit.
Assersuutigalugu perorsaasutut qanoq meeqqamut
sumiginnagaasimasumut iliuusissatut pilersaarusiussavit?

Inerniliineq: Sammissamut/ajornartorsiummut toqqakkamut tunngatillugu inerniliineq
suliarineqassaaq, ajornartorsiutip suut paasisaqarfigineqarnersut
taaneqassallutik perorsaanermilu iliuusissatut
siunnersuuteqartoqassalluni.

Aamma takuuk immikkoortoq ”Suliassat allannissaanut ilitsersorneqarneq”

Saqqummiussineq: Sammissap tunngavilersorneqarnera ilinniartut sinnerinut
tunniunneqassaaq. Ilinniartup isumaliuutimi ajornartorsiummullu
tunngatillugu iliuusissatut siunnersuutimi ilinniartut sinnerinut
saqqummiunnissaannut minutsinik 10-nik piffissaqassaaq.

Minutsit 15 sinneruttut itisiliinermut, misissuinerumut, sammiviliinermut
ilitsersuisumillu aqutsisulerluni oqaloqatigiinneq.

Naliliinermi makku ilaapput:

- Killissalersuinerumut tunngatillugu suliassap pitsaassusia.
- Namminersorluni itisiliineq aamma ilisimasaniq sulisinnaassusermillu uppernarsaaneq.
- Tamatuma malitsinganik itisiliilluni, misissuilluni sammiviliillunilu oqaloqatigiinneq.
- Ilinniarfimmeersumik nalileeataasartumik peqateqarluni minutsit 10 missaanni
naliliisoqassaaq

Naliliinerit / semesterit 2-ta aamma 4-ta kingornatigut killiffiit

Ilinniarnermi semesterit 2-nni aamma 4-nni ilinniartitsisut ilinniartut suleqatigalugit nalilersuineq aamma/imaluunniit killiffiit inississavaat.

Siunertaavoq illit nammineq ilinniarnerpit ingerlanerani piffissamut ingerlareersumut naatsorsuutigineqarsinnaasunut sanilliullugit sulinerit suliatigullu qaffasissutsivit isumaliutiginnissaannut periarfissaqarfiginissaa.

Tamanna pisinnaavoq suliniummik ingerlatsinissamut saqqummiinertalimmik aaqquissuussinikkut, eqimattanit utertitsivigineqarnikkut imaluunniit assersuutigalugu iliuseqarnikkut ilikkagaqarnissamik suliaqarnermut ilaatillugu isumaliutiginninnikkut (nammineq sulinerimik eqqarsaatiginninnissamut periaaseq). Tamanna aamma semesterimi sammisat apeqqutitalerlugit, akissutit uteqqinertalerlugillu eqikkaanikkut pisinnaavoq, imaluunniit suliassamik qulequtserneqareersumiit, semesterimi sammisanut attuumassutilimmik atuagarsornerup sulinerullu atassuserneratigut.

Itisiliineq

Holdi itisiliisussat pilersinneqassapput, eqimattani peqataasut 3 – 4-gaangata.

Piffissaq eqimattat pilersinneqarnissaannut sammisamillu siunnersuuteqarnissaq.

Itisiliinissaq sapaatit akunneri 2 sioqqullugit eqimattat kingusinnerpaamik pilersinneqassapput. Tamanna pissaq ilinniartut sammisassanik nivinngaanerisigut, tamatuma kingornatigut ilitsersuisut ilinniartut suleqatigalugit eqimattat pilersissavaat, taamaalillutik ilinniartut nalussanngilaat itisiliinerimi sammisassat eqimattallu suusanersut.

Ilinniartut namminersorlutik sammisartik qulequtsissavaat. Imaassinnaavoq sammisaaq fagimit ataasiinnarmit arlalinnilluunniit imaluunniit suliffimmi misiliinermit itisiliivigineqarniarloq.

Ingerlanissaata pilersaarusionera.

Ilinniartut ulluni siullerni, ilitsersuisoq eqimattami suleqatigalugu itisiliinerimi sammisamut siunertaq, ~~ajornartorsiu~~, allaaserisap oqaasertalernera aamma killilernera suliarissavaat, taakku perorsaanermi sulineq pillugu atuagarsorneq imarissavaat.

Ilinniartitsinerimut/avataaneersumik ilinniartitsisoqarnissamik pilersaarusiortoqassaaq eqimattallu ilinniarnermi namminersorlutik ingerlatsinissaannik, ilitsersuineq, pulaarneq il.il. pilersaarusiorneqassallutik.

Ilitsersuisumit siunertaq, ~~ajornartorsiu~~, allaaserisap oqaasertaa, killilernera ingerlannissaanullu pilersaarut akuerineqassapput.

Ataatsimut naapinnerit.

Ilinniartut ilitsersuisorlu sapaatit akunneranut ataasiarlutik naapittassapput, tassani eqimattat ataasiakkaat qanoq ingerlanerminnik ilisimatitsisassallutik, suut maannakkut ingerlannerlugit sapaatit akunnerini aggersuni suut pilersaarutiginerlugit.

Tassani aamma saqqummiinissaq, ataatsimut saqqummiinissaq isumaqatigiissutigineqarlunilu pilersaarusiorneqartarpoq. Naapinnerni taakkunani aamma eqimattanut tamanut ataatsimut saqqummiisoqarsinnaavoq.

Ilitsersuineq.

Eqimattat tamarmik immikkut ilitsersorneqarnissamut katillugit 10 tiiminik atugassinneqarsimapput tiimit saqqummiinissamut atorineqartussat ilanngullugit. Ilitsersuunneqarnissaq pilersaarusioreqassaaq ilinniartut ilitsersuisullu suleqatigiinnerisigut.

Avataaneersumik ilinniartitsisoqarneranut tunngasumik ilitsersuisoq ikiuutissaaq aamma saqqummiinermut allattariarsorlunilu naammassisassamut itisiliinerup ingerlanerani suliarineqartussamut ilitsersuisalluni.

Piffissap naalernerani suliamik, saqqummiussineq sammisamillu saqqummiineq.

Suliassap suliarinera, takuuk immikkoortoq ”suliassat allannissaannut ilitsersorneqarneq” Suliassakkut sammisamut tamakkiisumik takunnisinnaaneq pilersinneqassaaq, suliatigut killiliisinnaaneq pingaarnersiuisinnaanerlu tamatumalu kingornatigut oqaluttariarsorluni saqqummiineq namminersorlunilu itisiliineq sammisamillu uppersaasinnaanermik takutitsisumik.

Suliassami quppernerit 7 – 9 akornanniissapput saqqummiunneqarnissaalu ullut 3 sioqqullugit elektroniskingorlugu allaffimmut tunniunneqassalluni.

Sammisat saqqummiunneqarnissaannut ullormik aalajangiisoqassaaq. Eqimattat ataasiakkaat sammisamik saqqummiineranni oqallinnissamut apersuinissamullu piffissaliisoqassaaq. Saqqummiinermut ilaassapput saqqummiineq, namminersorluni oqaluttariarsorluni suliamik itisiliineq, takutitsineq oqallinnerlu.

Saqqummiussinikkut ilinniartup suliassap iluani sulisinnaassusia, itisiliisinnaanera sammisamut tunngatillugu ataatsimut oqaaseqarsinnaanera, perorsaanermi suleriaasia perorsaanermilu sulinera ersersinniarneqarput.

Saqqummiineq pinngorartitsinermi sulianik ilaqassaaq, sammisamik paasinarsaasumik. Eqimattat suleqatigiillutik pilersaarusiussapput, holdimeersut tamarmik saqqummiinermi peqataatinneqassallutik.

Ilinniartut tamarmik suliassaq atuassagaat piunarsaqaataavoq, taamaalilluni saqqummiussinermi suliamut attuumassutilimmik oqallilluartoqarsinnaaqqullugu. Ilinniartitsisut allat ilinniartitsisullu avataaneersut saqqummiinermut aggersarneqarsinnaapput.

Kulturikkut pinngorartitsinermilu suliassa qarfik

Kulturikkut pinngorartitsinermilu suliassa qarfik inaarutaasumik misilitsinneq semesterit 5-ta naalernerani ingerlanneqassaaq.

Ilinniartut ataasiakkaat fagimi pinngorartitsinermik sammisaqarfiusumi oqaluttariarsorlutik suliaqarlutillu misilitsissapput, taanna minnerpaamik ilinniarnermi fagini pingaarnerni marlunni sammisassaqtitsinerup kulturillu iluanneersunik (nipilersornermik, isiginnaartitsinermik, sanalunnermik) ilaqartinneqassaaq. Pikkorissarnernit pinngitsoorani peqataaffigisassanit sammisanik (pinngortitaq silamiinneq, pinnguarneq, timersorneq attaveqaatillu) ilanngunneqarsinnaapput.

Misilitsinnermi ilinniartup pinngorartitsinnermik suliaqarsinnaanini uppersarsassavaa kiisalu pinngorartitsinnermik suliaqarfiup iluani atuagarsornikkut ilisimasat paasinninnerlu uppersarsassallugu.

Ilinniartup kisimiilluni misilitsinnissani toqqarsinnaavaa imaluunniit eqimattami amerlanerpaamik 4-nik ilinniartulimmi.

Piffissaq misilitsinnissamut suliaqarfiusoq sapaatit akunnerinik 4-nik sivisussuseqarpoq. Piffissaq misilitsinnissamut suliaqarfiusup aallartinnissaa kingusinnerpaamik sapaatit akunneri pingasut sioqqullugit ilinniartut fagimi pinngorartitsinnermik sammisaqarfiusumi misilitsinnissami piomasagaatit pillugit ilisimatinneqassapput, taamaalillutik ilinniartut piffissap misilitsinnissamut suliaqarfiusup aallartinnissaanut sapaatit akunnerini taakkunani pingasuni makku suliarisinnaassavaat:

1. eqimattat misilitseqatigiittussat pilersillugit.
2. sammisaq – allaaserisaq oqaasertalerlugu.
3. suliniarfigisat naammassisassarlu toqqarlugu.

Piffissami tassani eqimattamut ataatsimut ilitsersorneqarnissamut amerlanerpaamik 3 tiimit neqeroorutigineqassapput. Piffissami misilitsinnissamut suliaqarfiusumi kingusinnerpaamik ataasinngornermi siullermi sammisap allaaserisassap oqaasertalerna akuerineqassaaq.

Fagimi pinngorartitsinnermik sammisaqarfiusumi misilitsinnermut ilaapput:

- Sammisamut, allaaserisap oqaasertalerneranut suliniarfigisanullu atasumik sapaatit akunnerini marlunni pinngorartitsinnermik suliaqarneq. Matumani pinngorartitsinnermik sammisaqarnermik aallartitsineq, paasinnineq ingerlatitseqqiinerlu ilanngullugit. Piffissami tassani eqimattat tamarmik immikkut 3 tiimini ilitsersuisoqassaaq.
- Suliassaq sapaatit akunnerani ataatsimi allanneqassaaq. Suliassap allannerani eqimattat tamarmik immikkut 1 tiimimik ilitsersorneqarnissamut periarfissaqarput. Ilitsersuisorneqarneq ulluni siullerni pingasuni suliassap allanneqarneranut inissinneqassaaq.
- Sapaatit akunnera ataaseq oqaluttariarsorluni misilitsinneq.

Misilitsinnissamut ilinniartoq/eqimattat saqqummiinissamut/naammassisamut piareersassapput, fagimi pinngorartitsinnermik sammisaqarnerup iluani qitiusunik ilisimasaqarneq sulisinnaanerlu takutinneqassaaq, perorsaanermik sulinnermut atasumik pingorartitsinnermik sammisaqartitsinnermik aallartitsinnaassuseqarneq, ingerlatsineq ingerlatitseqqiisinnaanerlu takutinneqassallutik. Oqaluttariarsorluni misilitsinnermi videokkut, immiussamik, isiginnaagassiatut naammassisap ilaanik saqqummiisoqarsinnaavoq il.il...

Allattariarsorluni suliassaq 5 – 9 akornanni qupperneqassaaq immikkoortoq ”suliassap allanneqarnissaanut siunnersorneqarneq” tunngavigalugu. Suliassakkut sammisamut tamakkiisumik takunnissinnaaneq, suliap killilernera takutinneqassaaq tamatumalu kingornatigut oqaluttariarsorluni saqqummiinnermi pingaarnersiuisinnaaneq, namminersorluni misilitsinneq itisiliisoqassallunilu. Suliaq misilitsinnermi ”eqimattap sakkussaraa”. Suliaq elektroniskinnngorlugu kingusinnerpaamik piffissaq misilitsinnissamut suliaqarfiusup sapaatit akunnerisa pingajuanni tallimannngornermi nal. 12.00 tunniunneqassaaq.

Misilitsinneq oqaluttariarsorluni ingerlanneqassaaq, pingasunik immikkoortoqartoq: naammassisap saqqummiunneqarnera, sammisamik/suliamik namminersorluni oqaluttariarsorluni itisiliineq kiisalu saqqummiineq suliassamilu sammisaq aallaavigalugu inaarutaasumik suliamut tunngasumik

oqaloqatigiinneq. Immikkoortut taakku pingasut piareersarnermi, aaqqissuunnerani ingerlanneranilu piffissaliussatut aalajangersakkat ataqqineqassapput.

	Naammassisap saqqummiunnera	Itisiliineq	Suliaq pillugu oqaloqatigiinneq min. 5-ni naliliineq ilanngullugu	Minutsit katillugit
Ilinniartoq 1	15	15	15	45
Ilinniartoq 2	20	20	20	60
Ilinniartoq 3	25	25	25	75
Ilinniartoq 4	30	30	30	90

Ilinniartup/eqimattami ilinniartup saqqummiinnermi aamma/imaluunniit naammassisap ilaanit piffissap 1/3-ia atorsinnaavaa, kiisalu namminersorluni itisiliinnermi uppersaanaermilu 1/3 atorsinnaallugu. Misilitsinnermi piffissap sinnera misilitsitsisoq aqutsisuutillugu itisiliinnermut, misissuinnermut, sammiviliinnermut oqaloqatigiinnermullu atorneqassaaq, aamma taassuma ilinniartut tamarmik oqaaseqartinnissaat akisussaaffigaa.

Ilinniartup/eqimattap suliaq misilitsinnermut nassassavaat namminersorluni itisiliinnermi oqaloqatigiinnermilu tunngavigineqassamat: Suliap saniatigut allakkiamik allamik nassartoqaqqusaanngilaq, kisianni takussutissianik nassartoqarsinnaalluni, soorlu aamma namminersorluni suliamik itisiliinnermut najoqqutassiaq ilaatinneqarsinnaalluni. Taanna oqaluttariarsorluni misilitsilernerup aallartinnerani nalileeqaatasumut misilitsitsisumullu tunniunneqassaaq.

Eqimattat misilitsinneranni ilinniartut misilitsinnerup aallartilernerani ilinniartut ataasiakkaat namminersorlutik itisiliinnermut agguataarsimanerannut tunngasumik taasaqassapput, taamaalillutik ataasiakkaat nalilerneqarsinnaanerit qulakkeerneqassaaq.

Misilitsitsisoq isumaqatigiissuteqarfigisinnarlugu ilinniartoq/eqimattat sammisamut misilitsinnermullu tunngasumik saqqummiinissamut/naammassisaminnik piareersassapput aaqqissuussillutillu.

Ilinniartut ataasiakkaat nalilerneranni immikkoortut makku ataatsimut naliliinnermut ilaassapput:

- Naammassisap aamma/imaluunniit saqqummiussinerup ilaa nassuiaatitalik sammiviliinertalillu.
- Suliassap killilerneranut tunngasumik suliassap pitsaassusia.
- Namminersorluni itisiliineq aamma ilisimasaniq sulisinnaassusermillu uppersaaneq.
- Tamatuma kingornatigut oqaloqatigiinneq itisiliinertalik, misissuineq sammiviliinnerlu.

Ilinniartut ataasiakkaarlugit nalilerneqassapput. Ilinniartunut ataasiakkaanut tunngatillugu immikkoortut tamarmik ataatsimut ilinniarnermi kulturikkut pinngorartitsinnermi suliassaqarfimmi anguniagassanut tunngatillugit nalilerneqassapput, takuuk ilinniarnernup aaqqissugaanera.

Inuiaqatigiilerineq isumaginninnermilu suliassaqarfik

Inuiaqatigiilerinnermi isumaginninnermilu suliassaqarfimmi inaarutaasumik misilitsinneq semesterit 6-ni ingerlanneqassaaq.

Misilitsinneq oqaluttariarsorneruvoq allattariarsorluni suliassaq aallaavigineqassalluni. Suliassaq tassaavoq naammassisap fagit marluusut iluanni sammisap toqqagaq naatsumik allaaserineqartoq.

Misilitsinnermi ilinniartup inuiaqatigiilerinnermi isumaginninnermilu suliassa qarfiup iluanni atuagarsornikkut ilisimasani sulinermik paasinninnerminut atassusiinnaanini uppersassavaa.

Ilinniartup kisimiilluni imaluunniit eqimattami amerlanerpaamik 4-nik ilinniartulimmi misilitsinnissani toqqarsinnaavaa.

Piffissaq misilitsinnissamut suliaqarfiusoq sapaatit akunnerinik 4-nik sivisussuseqarpoq.

Eqimattat sapaatit akunnerani siullermi pilersinneqassapput. Sammisap tunngavilersorneqarneranik, sammisap ersarissarneranik killilerneralu suliarineqassapput. Sammisap ersarissarnera, sammisap tunngavilersorneqarnera killilerneralu kingusinnerpaamik tallimangornermi nal. 12 akuerineqassaaq.

Eqimattat sapaatit akunnerani siullermi tamarmik immikkut 1 tiimi siunnersorneqassapput.

Sapaatit akunnerisa aappaanni pingajuannilu suliassaq allanneqassaaq, takuuk immikkoortoq "Suliassat allannissaannut siunnersorneqarneq". Suliassaq sammisamut tamakkiisumik takunnissinnaaneq, suliap killilersinnaanera pingaarnersuisinnaanerlu takutinneqassapput tamatuma kingornatigut oqaluttariarsorluni saqqummiisoqassalluni, namminersorluni itisiliilluni misilitsillunilu. Suliaq oqaluttariarsorluni misilitsinnermi "eqimattat sakkussaraat".

Suliassaq 5 – 9 akornanni quppernilik pappiarangorlugu kiisalu elektroniskingorlugu tunniunneqassaaq, allaffimmut mailikkut kingusinnerpaamik piffissami misilitsinnermik suliaqarfiusumi sapaatit akunnerisa pingajuanni tallimangornermi nal. 12.00 nassiunneqassalluni. Piffissami tassani sapaatit akunnerisa 3-ni pingasunngornerup tungaanut eqimattat tamarmik immikkut akunnerni 3-ni ilitsersorneqassapput.

Sapaatit akunnerisa sisamaanni misilitsittoqassaaq. Tassani avataaniit nalileeqataasartoq, ilitsersuisoq ataaseq marlulluunniit/ misilitsitsisoq kiisalu ilinniartoq.

Misilitsinneq oqaluttariarsorluni saqqummiineruvoq pingasunik immikkoortortalik:

- Saqqummiineq atuagarsornermut /ilinniarnep imaanut perorsaaneramilu sulinermut atassusiinertaqartoq
- Namminersorluni oqaluttariarsorluni itisiliineq suliampilu saqqummiineq kiisalu
- Saqqummiineq, itisiliineq saqqummiinerlu tunngavigalugit naggataarutaasumik oqaloqatigiinneq.

Misilitsinnerup immikkoortui pingasut piareersarnermi, aaqjissuussinnermi ingerlanneqarneranilu piffissaliussatut aalajangersakkat ataqqineqassapput.

Misilitsinnermut piffissaliussat

	Saqqummiineq	Itisiliineq	Oqaloqatigiinneq min. 5 miss. naliliineq ilanngullugu	Minutsit katillugit
Ilinniartoq 1	10	10	25	45
Ilinniartut 2	15	15	30	60
Ilinniartut 3	20	20	35	75

Ilinniartut 4	25	25	40	90
---------------	----	----	----	----

Naliliineq

Ilinniartunik ataasiakkaanik naliliinermi immikkoortut makku ataatsimut naliliinermut ilaapput:

- Sammisap killilerneranut tunngasumik suliap pitsaassusia.
- Ilisimasanik sulisinnaassusermillu saqqummiineq, itisiliineq uppersaanerlu.
- Tamatuma kingornatigut oqaloqatigiinneq itisiliinertalik, misissuineq sammiviliinerlu.

Ilinniartut ataasiakkaarlugit nalilerneqassapput. Ilinniartunut ataasiakkaanut tunngatillugu immikkoortut tamarmik ataatsimut nalilerneqassapput kiisalu ilinniarnermi anguniakkanut aamma inuiaqatigiilerinermi isumaginninnermilu suliassaqaarfimmi anguniakkat eqqarsaatigalugit, takuuk ilinniarnerp aqqissugaanera.

Perorsaanermik suliassaqaarfik

Perorsaanermi/tarnip pissusiinut inaarutaasumik misilitsinneq ataasiakkaanut misilitsinneruvoq, sapaatit akunnerini 4-ni ataqatigiisumik ingerlasussanngorlugu pilersarusiorneqartartoq. Ataatsimik marlunnilluunniit siunnersuisoqartitsisoqassaaq, taamaalilluni fagini siunnersorneqarnissamut periarfissaqassalluni.

Sapaatit akunnerani siullermi ilinniartoq misilitsinnermini sammisassaminik suliqaassaaq, fagini perorsaanermik aamma tarnip pissusiinik marluutitsisumik. Siunnersuisumiit kingusinnerpaamik sapaatit akunnerisa siullianni tallimanngornermi akuerineqassaaq. Qulequtaq perorsaanermi sulinermut attuumassutilimmik imaqaassaaq, fagit atassuserneqassapput aamma faginut marlunnut misilitsinnermi anguniakkanut imaanullu tunngatillugu killilerneqassalluni. Misilitsinnermi sammisassap sularineranut atatillugu ilinniartut tamarmik immikkut nalunaaquttap akunneranik ataatsimik ilitersorneqarnissamik neqeroorfigineqassapput.

Sammisap tunngavilersornera, sammisap ersarissarnera killilernerlu sularineqassaaq. Sammisap tunngavilersornera, sammisap ersarissarnera killilernerlu sapaatit akunnerisa siullianni pingasunngornermi akuerineqassapput.

Misilitsinnermi sammisassap akuerineqareernerata kingornatigut ilinniartup sapaatit akunneri marlungajaat suliassap allanneranut piffissaraa (aamma ”Suliassap allannissaanut ilitersorneqarneq” takuuk). Ilinniartut tamarmik immikkut sapaatit akunnerisa aappaani nal. ak. marlunni suliassap allanneqarneranut atatillugu ilitersorneqarnissamut neqeroorfigineqassapput. Suliassap allannissaanut piffissap sinnerani ilinniartoq namminersorluni misilitsinnissamut sammisani sularissavaa allallugulu.

Suliassaq 8 – 10-llu akornanni qupperneqassaaq elektroniskinnngorlugulu allaffimmut kingusinnerpaamik sapaatit akunnerisa pingajuanni pingasunngornermi nal. 12 tunniunneqassalluni.

Oqaluttariarsorluni misilitsinneq sapaatit akunnerisa 4-ni ingerlanneqassaaq, tassani ilinniartoq suliani tunngavigalugu misilitsissaaq. Oqaluttariarsorluni saqqummiinissamut piareersarnermi ilinniaqatigiit 2 tiimit ilitersorneqarnissamut neqeroorfigineqassapput.

Misilitsinnikkut takutinneqassaaq ilinniartoq ilinniarnermi faginilu anguniagaasunik qanoq annertutigisumik angusaqartigisimanersoq, makku saqqummiunneratigut:

- Sulianut ilisimasat sulianillu sulisinnaassuseqarneq.

- Misissuisinnaaneq, eqqarsaatiginninneq, perorsaaneramik sulinermi ilisimasanik ingerlatitseqqiineq atuinerlu.
- Isummerneq eqqarsaatiginninnerlu.
- Perorsaanerami sulinermit tunngasumik sulianik inuttullu sammiviliineq.

Suliaq misilitsinnermi tunngavigisassatut nassarneqassaaq. Allaaserisanik allanik nassartoqarsinnaanngilaq. Takussutissanik nassartoqarsinnaavoq, soorlu namminersorluni itisiliineq saqqummiinermullu najoqutassiaq ilaartinneqarsinnaasoq. Taanna nalilee qataasumut misilitsitsisumullu tunniunneqassaaq imaluunniit pappiaqqamut angisuumut allattarfimmulluunniit allanneqarsinnaalluni.

Piffissaq misilitsiffiusoq 45 minutsiuvoq. Ilinniartup nammineerluni saqqummiinissaminut minutsit 15 piffissaraa, taassuma iluani apeqquutit qitiusut, sammisap tunngavilersornera aamma iliusissatut siunnersuutit uppersassallugit. Piffissap sinnera (min. 30 naliliineq ilanngullugu) misilitsitsisumit siulersorneqartumik itisiliinermut, misissuinermit, eqqarsaatiginninnermut sammiviliinermullu atorneqassaaq.

Ilinniartumik naliliinermi immikkoortut makku ataatsimut naliliinermut ilaapput.

- Suliassami sammisap killilerneranut, sammisamut attuumassuteqarneranut aamma soqutiginaateqarneranut tunngatillugu suliassap pitsaassusia.
- Suliassamik namminersorluni itisiliineq saqqummiinerlu, sulisinnaassuseq ingerlatitseqqiisinnaanerlu.
- Tamatuma kingornatigut oqaloqatigiinneq itisiliinertalik, misissuineq, sammiviliineq sulihamullu tunngasumik oqaloqatigiinneq.

Ilinniartunut ataasiakkaanut tunngatillugu immikkoortut tamarmik aamma ilinniarnermi faginilu anguniagaasut ataatsimut naliliivigineqassapput.

Immikkut suliassaq

Immikkut suliamik ingerlatsineq ilinniarnermi inaarutaasumik misilitsinneruvoq sapaatillu akunnerini 10-ni sivissuseqarluni

Immikkut suliamik ingerlatsineq 3-nik immikkoortoqarpoq:

Aaqqissuussineq (sapaatit akunnera 1) Eqimattanik pilersitsineq, tunniussineq qulequtaq, sammisap ersarissarnera, sammisap tunngavilersornera killiliinerlu akuerineqassapput tunniunneqarlutillu

Suliarinera (sapaatit akunneri 2 – 9) Immikkut suliassap suliarinera.

Immikkut suliamik misilitsinneq (sapaatit akunneri 10) Misilitsinnissamut piareersarneq misilitsinnerlu.

Immikkut suliamik ingerlatsinissamik aaqqissuussineq sapaatit akunneranik ataatsimik sivissuseqarpoq, tassani qulequtaq allaaserineqassaaq sammisallu ersarissarnera 3 – 5-nik apeqquitalerlugu, sammisap allaaserineqarneranut tunngasunik.

Qulequtaq, sammisap ersarissarnera siunnersuisumiit/nit kingusinnerpaamik tallimangornermi nal. 12.00 akuerineqassaaq. Ilinniartoq kingusinnerpaamik ataasingornermi nal. 12.00 akuerineqarsimanini imaluunniit naamik pillugu nalunaarfigineqassaaq, taamaalilluni immikkut suliamik ingerlatsineq nangissinnaalissallugu.

Eqimattat tamarmik immikkut sapaatit akunnerisa siullianni 2 tiiminik siunnersorneqassapput.

Suliaqarneq sapaatit akunnerinik 8-nik sivilissuseqarpoq (immikkut suliamik ingerlatsineq sapaatit akunnerini 2 – 9-ni). Ilinniartoq piffissami tassani paasisutissanik misilittakkanik tunngaveqartunik atuagarsornermiillu paasisutissanik tunngavissiisunik sammisami allaaserisassap oqaasertalernissaanut ersarissaataasunik katersissaaq, kiisalu immikkut suliaassaq suliarineqassalluni.

Immikkut suliaq elektroniskingorlugu kingusinnerpaamik tunniunneqassaaq sapaatit akunnerisa 9-ni tallimangornermi nal. 12:00.

Suliaassap suliarinerani eqimattat tamarmik immikkut sivilunerpaamik 8 tiiminik siunnersorneqarnissamut neqeroorfigineqassapput. Sapaatit akunnerani kingullermi suliaassap suliarineranut siunnersuisoqassanngilaq.

Immikkut suliamut immikkut piumasaqaatit:

Annertussusia: Min. quppernerit 20 - ann. qupperinerit 50 malittarisassat atuuttut malillugit.

Imai:

- Immikkut suliaassap oqaasertalerneranik erseqqissaaneq, killiliineq oqaloqatigiinneq.
- Ilinniarnep nalaani ilinniartitaanerup imaanut, aamma perorsaaneramik sulinermut atatillugu atuagarsornikkut periaatsitigullu isumaliutit.
- Inerniliinerit, immikkut suliami sammisap allaaserisallu oqaasertalernerata suliarineranut ilaatigut ilisimalikkanut tunngassuteqartut ilaatigullu perorsaaneramik sulinermi iliussissatut periarfissanut isummat kiisalu ilinniartut sulianut namminneq tunngavilersugaasumik isummernerat.
- Suliamik tunngavilersugaasumik sammiviliineq, immikkut suliamit aallaaveqartumik inerniliineq.

Immikkut suliaq pillugu misilitsinneq:

Misilitsinneq oqaluttariarsorluni misilitsinneruvoq. Ilinniartup/eqimattami namminersorluni immikkut suliamik saqqummiinermut, itisiliinermut uppersaasannermullu piffissap 1/3-ia atorsinnaavaa. Piffissap misilitsiffiusup sinnera itisiliinermut, misissuinermut, sammiviliinermut misilitsitsisumillu siulersorneqartumik oqaloqatigiinnermut atorneqassaaq, aamma taassuma ilinniartut tamarmik oqaaseqarnissaat akisussaaffigaa.

1. Misilitsinnissamut ilinniartoq/eqimattat saqqummiinissamut piareersassapput, tassuuna takutinneqassallutik ilinniartitaanerup suliaassarfiini tamani sulisinnaassuseqarneq, ilisimasaqarfissat sulisinnaassuseqarfissat qitiusut, itisiliineq, nassuiaaneq ilinniarnep nalaani fagit imaannut tunngasunik ataatsimut oqaatiginnineq, perorsaanerami suleriaatsinut perorsaaneramilu sulinermut tunngasut.
2. Eqimattat misilitsinnermut immikkut suliaq nassassavaat, namminersorlutik itisiliineri, saqqummiineri oqaloqatigiinnermilu tunngavissatut. Takussutissartalinnik

nassartoqarsinnaavoq, soorlu aamma namminersorluni itisiliinermi saqqummiinermilu najoqqutassiaq ilaatinneqarsinnaasoq, taanna nalileeqataasumut misilitsisumullu tunniunneqassaaq. Allaaserisanik allanik nassartoqaqqusaanngilaq. Eqimattatut misilitsinnermi ilinniartut aammattaq misilitsinnerup aallartinnerani ilinniartut ataasiakkaat itisiliinissaannut allattorsimaffimmik tunniussissapput, tassuunakkut ataasiakkaat naliliivigineqarnerat qulakkeerneqassammat.

Naliliineq:

Ilinniartunik ataasiakkaanik naliliinermi immikkoortut makku ataatsimut naliliinermut ilaapput:

- Sammisamut killilerneranullu tunngatillugu immikkut suliap pitsaassusia.
- Namminersorluni saqqummiinermi, itisiliinermi uppersaanermilu ilisimasat sulisinnaassuserlu.
- Tamatuma kingornatigut oqaloqatigiinneq itisiliinertalik, misissuineq sammiviliinerlu.

Ilinniartunut ataasiakkaanut tunngatillugu immikkoortut tamarmik ataatsimut nalilerneqassapput, ilinniarnermi faginilu ilinniarnernup ingerlanerani ilinniartitsissutigineqartuni anguniakkat eqqarsaatigalugit.

Piffissalersuineq:

	Ilinniartut saqqummiinerat	Oqaloqatigiinneq	Minutsit katinneri
Ilinniartuq 1	15 min.	30 min.	45
Ilinniartut 2	20 min.	40 min.	60
Ilinniartut 3	25 min.	50 min.	75
Ilinniartut 4	30 min.	60 min.	90

Minutsit katinnerisa qaavinut naliliineq ilineqassaaq kiisalu ilinniartumut/nut misilitsinnermi naliliinermut tunngavilersuineq ilanngunneqassalluni.

Suliffimmi misiliinerup ingerlarnga

Ilinnut inuleriffinni suliffimmi misiliffinni aqutissiuisumut siunnersuinnermut atorineqartussatut suliffimmi misiliinermi quppersagaq suliarineqarsimavoq illit suliffimmi misiliinerpit ingerlaneranut sammitinneqartumik. Tassani suliassat, sulinermi/akisussaaffimmik agguataarinerit pillugit paasissutissat nassaarineqarsinnaapput, taamaalilluni suliffimmi misiliineq sapinngisamik annertunerpaamik pissarsiaqaataaffigineqarsinnaaqullugu. Ilinniarnermi suliffimmi misiliinissaq sioqqullugu suliffimmi misiliineq pillugu saqqummiivigineqarumaarputit piareersaataasumik ilinniartinneqarnikkut soorlu aamma tamatuma kingornatigut ilinniartut akornanni perorsaanermi sulineq pillugu naliliisoqarumaartoq ataatsimullu eqikkaasoqarumaartoq avitseqatigiinnissamik siunnersioqatigiinnermillu periarfissiisumik.

Ilinniarneq pillugu aqutissiineq

Ilinniarnernup ingerlanerata nalaani ilinniartutut assigiinngitsutigut aqutissiunneqarnissamik periarfissaqarputit, takuuk Kalaallit Nunaanni ilinniartitaanermut inuussutissarsiutinillu

siunnersuisarnej pillugu Namminersorlutik Oqartussat inatsisaat nr. 4, 29. november 2013-imeersoq.

Ilinniarnep ingerlanerani suliatigut inuttullu unamminiagassat pinngortarnerat misilittagaqarfigaarput. NQPI/DPU-mi suliatigut nalinginnaasumillu sammisat inuttut misiginikuusanut/misilittakkanut attuumassuteqarsinnaanerit pissutigalugit sulianit immikkoortikkuminaatsitsineq nalaassinnaavat, taamaattumik aqutissiuunneqarnissamut periarfissaqarnissat pingaaruteqarpoq, suliatigut inuttullu qaangiinissat eqqarsaatigalugu.

Suliatigut aqutissiuunneqarneq (ilinniartitsisut/ suliassaqarfimmi aqutsisut)

Ilinniartitsisunut saaffiginnikkut sulianut pisassassinnullu tunngasumik aqutissiuunneqarsinnaavutit. Matumani ilinniarnepit naammassinnaanut tunngatillugu aqutissiuineq ilanngullugu.

Inuttut aqutissiuunneqarneq (nuna tamakkerlugu siunnersuisarfik/ ilinniarnermi aqutissiuisoq)

Nuna tamakkerlugu Siunnersuisarfimmut saaffiginnikkut tarnikkut – imaluunniit inooqatigiinnikkut ajornartorsiutinut atatillugu ikiorserneqarsinnaavutit, ilinniarnep ingerlaneranut arlaatigut akorngutaappat imaluunniit ilikkagaqarnissannut ilinniarninnullu akorngutaappat. Nittartakkami uani annerusumik atuarsinnaavutit saaffiginninnissamullu immersuiffissaq aamma nassaarisinnaallugu: <http://www.vejledning.gl/socpsy-raadg.aspx?lang=da>
Ilinniarnermi suliassaqarfimmut aqutsisup Nuna tamakkerlugu siunnersuisarfimmut attaveqarnissannik ikiorsinnaavaatit.

Nalinginnaasunut tunngasunik ilinniarnermi aqutissiuineq (ilinniartulerisut)

Ilinniartulerisunut saaffiginnikkut akiliunneqarluni angalanerit, ilinniagaqarnersiutinut il.il. pisinnaatitaaffinnut tunngasunik aqutissiuunneqarsinnaavutit. Taakku mailikkut allaffik@pi.sps.gl-ikkut imaluunniit 38 35 50-ikkut attaveqarfigisinnaavatit.

Qitiusumik ilinniarnermi aqutissiuisoq

Aamma PI/SPS-imi qitiusumik aqutissiuusup attaveqarfiginissaanut tikilluaqqusaavutit, taanna Ilulissaniippoq ilinniarnepillu ingerlanerani aqutissiuunneqarnissannik ikiorsinnaallutit. 38 35 50-ikkut sianersinnaavutit aqutissiuusumullu nuutsinneqaqqullutit imaluunniit aqutissiuisoq attaveqarsinnaalerpat sianerfigineqaqqullutit.

Ilinniarnermi peqataasussaataaneq

NQPI/ DPU-mi ilinniartutut ilinniarninnik aallussisussaavutit ilinniartitsinernullu takkuttartussaallutit

Peqataasussaataanerit ilinniarnermik ingerlatsinerit tamarmik pineqarput, matumani ilinniarnermi ulloqartitsinerit, oqaloqatigiinnerit, pikkorissarnerit, saqqummiinerit, ilisimatitsineq siunertaralugu ataatsimiinnerit, aqutissiuinerit, suliniutit, sulitilluni paasissutissanik katersineq, ilinniarnermut atatillugu angalanerit, piffissat suliffimmi misiliiffiusut il.il.

Ilinniarnermi sammisaqarneq nassuiarneqarpoq:

- Ilinniartitsinerit peqataaneq
- Nammineq ataatsimullu ilikkagaqarnissamut akisussaaffimmik tigusingeq

- Ilinniartuq ilinniartitsinermi malinnaanermigut aallussinini ersersissagaa, nammineq isummaminik oqaatiginninnermigut, malinnaanermigut, aperisarnermigut, piareersartarnermigut, suliaqartuqartunik piffissaq eqqorlugu tunniussisarnermigut
- Naliliinermi/imminut naliliinermi peqataanikkut
- Ilinniartitsinermi sammineqartunik isiginiagaqarnikkut.

Peqanngittarneq

Napparsimasoqartillugu seminariamut nalunaaruteqartoqassaaq imaluunniit ilinniaqat ullormi peqanngiffimmi siullermi ullaakkut isumaqatigiissuteqarfigineratigut, taamaalilluni ilinniartitsisoq ilisimatinneqassamat.

Peqannginneq immikkut peqquteqarpat (assersuutigalugu nammineq meeqqalluunniit sivisuumik napparsimaneramik) malittarisassanit immikkut akuersissuteqartoqarsinnaavoq nakorsamit ilinniarnermilluunniit naliliisoqarnera tunngavigalugu. Taamaattumik ilinniartut peqannginnerminnut pequtaasup nalunaarutiginnissaa pingaaruteqarpoq, tassami ilinniartut ataasiakkaat takkuttarnernannik naliliinermi tamanna ilaatinneqartarmat. Taamaattumik ilinniartut taamatut pisoqartillugu ilinniarnermi aqutissiuisoq tamatigut saaffigisariaqarpaat.

Takkutinngitsuukulanermi imaluunniit sivisuumik peqannginnermi ilinniartitsisut ataasiakkaat ilinniartuq siusissukkut oqaloqatigisariaqarpaat, suliaqartuqartunik aqutsisuusoq akuliutsinneqartariaqarluni. Ilinniartuq kinguaattoorutit qanoq angummaffigineqarnissaat pillugu isumaqatigiissuteqarfigineqassaaq.

Nalunaarsuineq

Ilinniartitsisut ilinniartitsinerit aallartinneranni tamani peqanngitsut nalunaarsortarpaat. Nalunaarsuisoqareertoq takkunermi ilinniartup nammineerluni akisussaaffigaa tamanna ilinniartitsisumut nalunaarutigissallugu, peqanngitsutullu nalunaarsimaneq peertissallugu. Akuerineqarsinnaasumik peqannginneq akueriuminaatsumillu peqannginneq immikkoortinneqanngillat. Peqannginnerit tamarmik nalunaarsorneqassapput. Suliniummik suliaqartoqartillugu ilinniartut ilinniartitsisoq isumaqatigiissuteqarfigineratigut namminneerlutik takkuttarnertik nalunaarsortarsinnaavaat.

Peqannginnermut nalunaarsuinerit qaammatikkaartumik imaluunniit sapaatit akunneri sisamakkaartumik naatsorsorneqartarput. Peqannginnermi 10 % sinnersimagaanni ilinniartuq suliaqartuqartunik aqutsisumit oqaloqatigineqarnissamat aggersarneqassaaq.

Iliuseqarfigineqarneq kinguneqartitsinerlu

Ilinniartup ilinniarnerninik aallussinera amigarpat, ilinniarnernup ingerlanerani taassumalluunniit ilaani peqanngittaruni taava ilinniartup nammineq akisussaaffigaa ilisimasassat, piginnaanerit paasisutissallu tunniunneqartut peqannginnermini pigiliullugit suliarinissaannut. Ilinniartuq peqataasussaataanerminik sumiginnaappat suliaqartuqartunik aqutsisup ilinniartup ilinniartitsisui isumasioqatigereerneratigut tamatuminnnga eqqaasissavaa.

Peqataasussaataanerup sumiginnarneqarnera ingerlaannarpat, ilinniartuq taartaasumik suliaqarnissaanut peqquneqarsinnaavoq imaluunniit arlaleriarluni sumiginnaasaruni mianersoqquneqartareersimagunilu ilinniarnernit anisitaasinnaavoq.

Taartaasumik suliaqarnissamat aalajangerneq ilinniartup ilinniartitsisuinik isumasioqatigereernerisigut suliaqartuqartunik aqutsisumit aalajangerneqartarpoq. Anisitsineq pisarpoq oqaatsitigut mianersoqqusinermi 1-mi allakkatigullu 2-riarluni mianersoqqusisoqareerneratigut. Oqaloqatigiinneq suliaqartuqartunik aqutsisumit ingerlanneqartarpoq. Ilinniarnernit anisitsinissamat aalajangerneq imaluunniit ilinniarnernik unitsitsinissamat Rektorimit aalajangerneqartarpoq suliaqartuqartunik aqutsisoq

isumasioqatigereerneratigut. Taanna pitinnagu ilinniartoq allakkatigut mianersoqqussummik kingullermik tunineqarsimassaaq.

Nakuuserneq ikiaroorartunik atuineq imigassartornerluunniit ilinniarnermit ingerlaannartumik anisitsinermik kinguneqartarpoq. Tamanna atuagarsorluni ilinniarnermi aamma suliffimmi misiliinermi atuuppoq.

Ilinniarnermi sunniuteqaqataaneq

Illit holdinilu ilinniartut tamarmik ilinniarnerup ingerlanerani suleqatiginissassinnut qilanaarpugut neriuutigalugulu akuunissat, apeqquteqartarnissat sulinermilu misilittakkatit pillugit ilinniartitsinermi qaqitsisarumaartutit.

Ulluunerani imaluunniit ulloq unnuarlu paaqqinnittarfik illit suliffigisat atuagarsorluni ilinniartitsinermi ilanngunniarneqartassaaq soorlu aamma ilinniarnerit tamakkerlugu atuagarsornikkut paasisimasavit sulinermut atassuserlugit oqaaseqartarnissamut periarfissaqarumaartoq.

PI/SPS ilinniarfittut qanoq suli pitsaanerulernissaanut oqaaseqarusuppit, imaluunniit sammisanik, ilinniarnerpit ingerlanerani oqallisigerusutaqarpit, taamaappat tamanna tusariartigu. Iliuseqarfigisinnaatillugit oqaatiginissaat pitsaaneruvoq, ilinniarnerup ingerlasimaneranik inaarutaasumik naliliinermi pinnagu. PI/SPS-ip ilimasuutit naaperiarusuppai ilinniarnerullu aaqqissuunneqarnissaanut periarfissaqarluni aamma sinaakkutit iluanni ilinniartut sunniuteqaqataaffigisaanni, takuuk ilinniarnerup aaqqissugaanera aamma ilinniarneq pillugu quppersagaq una.

Perorsaasunngorniarlutit ilinniarnerup ingerlanerani ingerlalluarnissannik kissaappatsigit.